

Ավարտական հետազոտական աշխատանք

Թեմա՝ Մանկավարժական աշխատողի համագործակցությունը սաների ծնողների(նրանց օրինական ներկայացուցիչների) հետ՝ սաների կրթական աշխատանքների կազմակերպման և ընտանեկան դաստիարակության հարցերում:

Հաստատություն՝ Կոտայքի մարզ, Չարենցավան համայնքի Արզական գյուղի մսուր մանկապարտեզ ՀՈԱԿ

Դաստիարակ՝ Վարդանյան Կարինե

Ղեկավար՝ Ավետիսյան Ժաննա

ԲՈՎԱՆԴԱԿՈՒԹՅՈՒՆ

Ներածություն	3
Մանկավարժական աշխատողի համագործակցությունը սաների ծնողների(նրանց օրինական ներկայացուցիչների) հետ` սաների կրթական աշխատանքների կազմակերպման և ընտանեկան դաստիարակության հարցերում	4
Եզրակացություն	17
Գրականության ցանկ	18

Ներածություն

Ընտանիքի դերը և ազդեցությունը երեխայի զարգացման , անհատականության ձևավորման և ողջ կյանքի վրա անժխտելի է: Ինչպես անժխտելի է այն, որ երեխայի առաջին դաստիարակը և ուսուցիչը նրա ծնողներն են, ովքեր պատասխանատու են այն միջավայրի համար, որտեղ մեծանում է իրենց երեխան:

Երեխայի զարգացման հարցում ընտանիքից հետո կարևոր գործառույթ է կատարում մանկապարտեզը, որը դառնալով գործընկեր , շարունակում է ընտանիքի աշխատանքը, օգնում ընտանիքին:

Ուստի երեխայի անհատականության ձևավորման , ներդաշնակ զարգացման համար կարևոր է այդ երկու կարևոր օղակների համագործակցությունը:

Համագործակցության արդյունքում ծնողներն ավելի լավ կճանաչեն իրենց երեխաներին , որը և հիմք կդառնա համատեղ լուծելու երեխայի դաստիարակությանը և զարգացմանը նպաստող ամենատարբեր խնդիրները` հարստացնելով ընտանեկան դաստիարակության փորձը:

Մանկավարժական աշխատողի համագործակցությունը սաների ծնողների (նրանց օրինական ներկայացուցիչների) հետ՝ սաների կրթական աշխատանքների կազմակերպման և ընտանեկան դաստիարակության հարցերում:

Մեր երեխաները մեր՝ ծերությունն են: Գիշտ դաստիարակումը՝ դա մեր երջանիկ ծերությունն է, վատ դաստիարակումը՝ մեր ապագա վիշտն է, մեր արցունքները, մեր մեղքը ուրիշ մարդկանց հանդեպ, ողջ երկրի հանդեպ:

Երեխաները մեր ապագան են: Սա իրականության հանրահայտ ձևակերպումներից է: Ինչպիսի՞ն կլինի մեր ապագան.սա պայմանավորված է այն իրողությամբ, թե ինչպիսի երեխաներ կկրթենք ու կդաստիարակենք մենք:

Երեխաների կրթության իրականացման գործում մեծ դեր է կատարում ծնող-դաստիարակ օղակը:

Մեր հասարակությանն արժանի քաղաքացի դաստիարակելու նպատակով պետք է համագործակցեն ծնողները և դաստիարակները: Ծնողը և մանկապարտեզը նույն գետի երկու ափերն են,որոնք հոսում են նույն ուղղությամբ:

Անցել են այն ժամանակները, երբ ծնողը բավարարվում էր առավոտյան երեխային մանկապարտեզ բերելով և երեկոյան տուն տանելով: Իսկ թե երեխան ինչպե՞ս կդրսևորեր իրեն մանկապարտեզում, դիտվում էր միայն որպես դաստիարակի մտահոգության խնդիր:

Այլ են հիմա ժամանակները և պահանջները: Այսօրվա սերունդը պետք է քայլի ժամանակին հանընթաց, լինի բանիմաց, անկաշկանդ, իմանա ու գիտակցի իր իրավունքներն ու պարտականությունները:

Կրթության արդիական մեթոդներն օգնում են, որ երեխան գիտելիքներ ստանա օգտագործելով իր բոլոր ընդունակությունները, ինչպես և վստահություն ձեռք բերի սեփական ուժերի նկատմամբ:

Առանց ծնողների օգնությամբ և աջակցությամբ հնարավոր չէ լիարժեք արդյունքի հասնել:

Ծնողների հետ շփումն օգնում է դաստիարակին՝ տեղյակ լինել, թե ինչ է կատարվել տանը երեխայի հետ, որ այս կամ այն կերպ ազդել նրա հոգեբանության, վարքի և տրամադրության վրա: Դա դաստիարակին թույլ է տալիս հասկանալ ու օգնել երեխային: Ընդ որում, այդ օգնության կարիքը զգում են ոչ միայն երեխաները, այլև ծնողները:

Ընտանիքը և մանկապարտեզը դաստիարակության երկու հիմնական հավասարազոր սուբյեկտներ են, որոնք ազդում են երեխայի վրա:

Ընտանիքները տարբեր են իրենց բնույթով կազմով և գործողությամբ: Մենք չենք կարող ակնկալել, որ բոլոր ընտանիքները նույն կերպ կմասնակցեն երեխայի կրթությանը, դաստիարակությանը, խնամքին, հնարավորիս շատ ժամանակ կհատկացնեն նրանց և կաջակցեն ամեն փոքր հարցերում:

Դաստիարակը ով աշխատում է երեխաների հետ , պարտավոր է ծնողի հետ զրուցել , քննարկել այն բոլոր խնդիրների մասին , որոնք առնչվում են երեխաների հետ :
Հնարավորություն տալ նրանց խոսել և տալ տարբեր գաղափարներ և տեղեկություններ , որոնք էլ ավելի հեշտ կդարձնեն երեխայի հետ շփումը:

Ծնողի հետ արդյունավետ հաղորդակցում ապահովելու համար դաստիարակը պետք է բազմաբնույթ գործողություններ կիրառի , լինի ստեղծագործ , ճկուն , բարեհամբույր , մեծահոգի , համբերատար , բանիմաց և հոգատար:

Ծնողի տեղեկացված լինելը երեխայի կատարած ցանկացած լավ և վատ արարքի մասին էլ ավելի է հեշտացնում համագործակցությունը ծնողի հետ : Եվ որպես գործընկեր ավելի միավորում նրանց և արդյունավետ դարձնում նրանց կատարած աշխատանքը:

Ծնողները պետք է ակտիվ մասնակցեն մանկապարտեզի գործընթացին:

Մանկապարտեզ-ընտանիք համագործակցության արդյունքում պետք է իրականացվեն հետևյալ խնդիրները:

1. Ծնողներին ծանոթացնել մանկապարտեզում իրականացվող մանկավարժական գործընթացի առանձնահատկություններին , նախադպրոցականի դաստիարակության և զարգացման ժամանակակից մոտեցումներին:

2. Ե՛հշտ հաղորդակցվել երեխայի հետ , գնահատել նրա ձեռքբերումներն ու շտկել թերությունները:

3. Ապահովել յուրաքանչյուր ծնողի ակտիվ մասնակցությունը մանկապարտեզի մանկավարժական գործընթացին:

4. Աշխատանք տանել ծնողների մանկավարժական գիտելիքների բարելավման ուղղությամբ:

Մանկապարտեզ և ընտանիք համագործակցության ձևերն են.

Զրույցները , խորհրդատվությունները , տնային այցելությունները , բաց դռների օրերը , ծնողական համաժողովները:





Դաստիարակը կապեր հաստատելով երեխայի ընտանիքի հետ լուծում է հետևյալ խնդիրները:

ճանաչել երեխայի ընտանիքը:

Ուսումնասիրել երեխայի սոցիալական միջավայրի ազդեցությունը նրա անձի ձևավորման վրա:

Օգնել ծնողներին՝ ընտանիքում ճիշտ և գրագեղ դաստիարակել երեխային:

Կազմակերպել ծնողների մանկավարժական իրազեկումը:

Չեզոքացնել ընտանիքի բացասական ազդեցությունը:

Այսպիսով ընտանիքի և մանկապարտեզի համագործակցության մոդելի կենտրոնում երեխան է:

Անտարակույս , նա է իր կրթության ու զարգացման հաջողության գործի գլխավոր դերակատարը մանկապարտեզում և ընտանիքում:

Սակայն համագործակցությունն ինքնին չի կարող հաջողակ երեխաներ ունենալու նախապայման դառնալ:

Անհրաժեշտ է մշակել այնպիսի ձևեր , որոնք կնպաստեն ներգրավել , ուղղորդել , խթանել և շահագրգռել երեխաներին՝ ինքնուրույն հասնելու հաջողությամբ:

Մարդկային շփման առաջին փորձը երեխաները ստանում են ընտանիքում , բայց հասարակություն ինտեգրվելու առաջին մեծ փուլը երեխայի համար հանդիսանում է մանկապարտեզը:

Մանկապարտեզի առօրյան ի տարբերություն ընտանեկան միջավայրին հնարավորություն է տալիս երեխային շփվել իր հասակակիցների հետ , դառնալ ավելի ինքնուրույն:

Յուրաքանչյուր երեխա անկրկնելի է անհատական զարգացման տեմպով և իր ուրույն ոճով : Երեխաների անհատական առանձնահատկությունները պետք է հաշվի առնվեն նրանց հետ հաղորդակցելիս և գործունեություն կազմակերպելիս:

Երեխաների հետ իրականացվող գործունեությունը պետք է համապատասխանի երեխայի զարգացման հնարավորություններին և խթանի նրանց հետաքրքրությունը , մտածողությունը:

Երեխան սովորում է իրերին ձեռք տալով , դրանք գործածելով , փորձարկելով և շփվելով:

Մանկապարտեզը , պետք է ստեղծի միջավայր , որը պետք է նպաստի երեխայի զարգացմանը , դաստիարակը պետք է ստանձնի խաղընկերոջ դերը : Օրվա գործունեությունը պլանավորելիս պետք է դնել խթանող , երեխաներին խրախուսելի խաղեր : Դաստիարակը պետք է հետևի երեխաներին , որպեսզի հասկանա , թե ինչն է նրանց հասկանալի , ինչը անհասկանալի : Հիմնվելով դիտարկումների վրա , պետք է դաստիարակը առաջարկի հավելյալ առաջադրանքներ , որոնք կխթանեն մտածողությունը : Երեխաների զարգացման կարևորագույն նախապայմանը զարգացման բոլոր ոլորտներում` ֆիզիկական , սոցիալական , հուզական և իմացական փոխկապակցվածությունն է:

Մի ոլորտի առաջընթացի զարգացումը ազդում է մյուս ոլորտների առաջընթացին:

Կարևորագույն նախապայմանը խախտված է , երբ շեշտը դնում է իմացական զարգացման վրա` նվազեցնելով երեխայի զարգացման մյուս ոլորտների նշանակությունը:

Որպեսզի երեխան արագ յուրացնի ինֆորմացիան , անհրաժեշտ է , որ այն կապված լինի երեխայի կյանքի ու միջավայրի հետ , համապատասխանի նրա զարգացման մակարդակին :

Երբ երեխաները զգում են , որ սովորածն առնչվում է իրենց կյանքի հետ , ավելի հետևողական են կատարում առաջադրանքն և պատրաստ են լինում սովորելու ավելին:

Մանկական հոգեբանների մեծ մասը միակարծիքի է` երեխան պետք է հաճախի մանկապարտեզ , քանի որ այն մեծ դեր ունի երեխայի սոցիալիզացման գործում:

Հայտնվելով մանկապարտեզում իրեն անծանոթ շրջապատում երեխան շփվելու նոր հատկություն է ձեռք բերում :

Եթե տանը նա սովորել է առաջին իսկ պահանջով ստանալ այն , ինչ ուզում է կամ իր ուզածին հասնել լացով կամ հիստերայով , ապա նոր միջավայրում նա ստիպված է հարմարվել և ուրիշների կարծիքը հաշվի առնել :

Երեխայի էմոցիոնալ դաշտում , տեղի է ունենում փոփոխություններ : Եթե առաջ նա կարեկցում էր հեքիաթների կամ մուլտերի հերոսներին , ապա հիմա սկսում է կյանքի նոր փուլ , որտեղ ընկերները իրական են:





Մանկապարտեզը այն միջավայրն է , որտեղ փոքրիկը զբոսնում է , խաղում է , սնվում է օրվա հստակ ժամերին:

Ճիշտ սահմանված օրակարգը երեխայի հոգեբանական և էմոցիոնալ զարգացման կարևոր դրույթներից մեկն է :

Մանկապարտեզում երեխան ստանում է իր առաջին առաջադրանքները , որոնք նա փորձում է ճշտությամբ կատարել:

Օրինակ ` դասավորել խաղալիքները , ինքնուրույն հագնվել , ճիշտ ժամանակին ավարտել աշխատանքը և այլն : Նման պարզ խնդիրները երեխայի մոտ զարգացնում են պատասխանատվությունը և ինքնուրույնությունը :







Ժամանակակից մանկապարտեզի և ընտանիքի փոխհարաբերության հիմքում ընկած է համագործակցությունը: Ո՞վ պետք է լինի դրա նախաձեռնողը անշուշտ մանկավարժները : Նրանք պետք է ստեղծեն ներդաշնակ , ամուր կապ ` ի շահ երեխայի դաստիարակության : Կարևոր է , որ ծնողները հասկանան ընտանիք մանկապարտեզ - երեխա փոխհարաբերությունը , զգան դաստիարակի մասնագիտական հմտության արժեքը , գնահատեն նրա անձնային հատկանիշները : Այդ վստահությունը և հեղինակությունը հենց այնպես չի տրվում : Դա պետք է վաստակի մանկավարժը :

Որպեսզի մանկապարտեզը բաց համակարգ լինի , անհրաժեշտ է կրթական գործընթացը հարստացնել ամենատարբեր ազդեցություններով : Ամենից առաջ անհրաժեշտ է մանկապարտեզի դռները լայն բացել ծնողների և ընտանիքի մյուս անդամների առաջ , պետք է տեղաշարժել ավանդական հաղորդակցման(տոնակատարություններ , հավաքույթներ , ժողովներ և այլն) շրջանակը :

Ծնողները և ընտանիքի մյուս անդամները կարող են նշանակալից կերպով ազդել երեխաների մանկապարտեզի կյանքի ռիթմի վրա կրթական գործընթացը ներառյալ : Օրինակ Մոնայի հայրը արտասահմանից նոր մուլտֆիլմեր և լուսանկարներ է բերել : Դրանց ցուցադրումը շատ հետաքրքիր կլինի երեխաներին : Կամ Դավիթի մորաքույրը նկարչուհի է , երեխաներին ցույց է տալիս իր նկարները , և նրանց առաջ բացվում է ստեղծագործական աշխարհի որոշ գաղտնիքներ : Նա միջոցառումների ժամանակ ձևավորում է խմբասենյակը , ցուցահանդեսին մասնակից դարձնում երեխաներին :

Այսպես կարելի է համագործակցության շատ եզրեր գտնել գրքերի նորոգման , ստեղծագործական և այլ աշխատանքներում : Այս ամենը անհրաժեշտ է հենց երեխաներին ոչ միայն այն պատճառով , որ ինչ որ բան են սովորում , այլ հատկապես , որ ընկերները հիացմունքով են դիտում իրենց ծնողներին : Դա հպարտության զգացում է ծնում և կարող է խթան դառնալ շատ խնդիրների լուծման համար :

Եզրակացություն

Այսպիսով, ուսումնասիրելով „Մանկավարժական աշխատողի համագործակցությունը սաների ծնողների (նրանց օրինական ներկայացուցիչների) հետ ` սաների կրթական աշխատանքների կազմակերպման և ընտանեկան դաստիարակության հարցերում“ համագործակցության տարբեր տիպի մոդելներ, եկա այն եզրահանգման, որ դաստիարակության և կրթության համար հիմնականում պատասխանատվություն է կրում ընտանիքը :

Մանկապարտեզը լրացնում, լավագույն դեպքում օգնում է ծնողի սկսած աշխատանքը ստեղծելով առողջ, զարգացնող միջավայր երեխայի ներդաշնակ ձևավորման համար :

Մանկապարտեզը պետք է սերտ համագործակցի ընտանիքի հետ, և հարաբերությունները պետք է լինեն բարեկամական - գործընկերային :

Մանկապարտեզ - ընտանիք կապը պետք է հիմնված լինի փոխադարձ վստահության վրա :

Արդյունավետ հաղորդակցությունը բազմապատկում է այն :

Ի վերջո երեխանների դաստիարակումը մեր կյանքի կարևոր բնագավառն է : Մեր երեխաները մեր երկրի ապագա քաղաքացիներն են և աշխարհի քաղաքացիներ :

Նրանք պետք է ստեղծեն պատմություն:

Մեր երեխաները վաղվա հայրերն ու մայրերն են : Նրանք նույնպես իրենց երեխաների դաստիարակները պետք է լինեն : Մեր երեխաները պետք է դառնան հիանալի քաղաքացիներ, լավ հայրեր ու լավ մայրեր :

Գրականության ցանկ

1. Նախադպրոցականի զարգացումը կրթահամալիրում. 2-6 տարեկաններ
2. Դաստիարակենք միասին (մանկապարտեզի և ընտանիքի համագործակցություն)
Հովհաննիսյան Ասյա
3. „ Պարտեզ " նախադպրոցական կրթական ծրագիր